

Na osnovu člana 12. stav (3) tačka č) Zakona o lokalnoj samoupravi Unsko – sanskog kantona („Službeni glasnik USK“, broj: 8/11), člana 25. Statuta Općine Ključ („Službeni glasnik Općine Ključ“, broj: 8/25), Općinsko vijeće Općine Ključ na svojoj redovnoj XVII sjednici, održanoj dana 1.6. 2026. godine, donijelo je:

ODLUKU

o usvajanju Programa sufinansiranja mjera energetske efikasnosti u stambenom sektoru na području općine Ključ

Član 1.

Ovom Odlukom usvaja se Program sufinansiranja mjera energetske efikasnosti u stambenom sektoru na području Općine Ključ, kao višegodišnji finansijski mehanizam podrške građanima za energetske obnovu postojećih stambenih objekata.

Član 2.

Sastavni dio ove odluke čini Program sufinansiranja mjera energetske efikasnosti u stambenom sektoru na području Općine Ključ kojim se uređuju prihvatljive mjere, postupak provedbe, uslovi učešća, tehnički zahtjevi, metodologija ocjenjivanja, ugovaranja, refundacije i izvještavanje.

Član 3.

Sredstva za realizaciju ovog Programa će se planirati u Budžetu Općine Ključ te izvršavati u skladu sa Odlukom o izvršavanju Budžeta. Program se može dodatno finansirati sredstvima ministarstava, fondova, donatora i drugih domaćih ili međunarodnih izvora.

Član 4.

Ovlašćuje se Općinski načelnik Općine Ključ da donosi provedbene akte potrebne za realizaciju Programa, uključujući akte o organizaciji Jedinice za implementaciju programa (JIP), imenovanju komisija, raspisivanju javnog poziva i odobravanju refundacije sredstava u okviru planiranih sredstava.

Član 5.

Ova Odluka stupa na snagu narednog dana od dana objavljivanja u „Službenom glasniku Općine Ključ“.

Broj: 02-02- 1460 /26
Ključ, 1.6. 2026. godine



OBRAZLOŽENJE

PRAVNI OSNOV:

- Članom 12. stav (3) tačka č) Zakona o lokalnoj samoupravi Unsko – sanskog kantona („Službeni glasnik USK“, broj: 8/11) propisano je da jedinice lokalne samouprave utvrđuju i provode politiku uređenja prostora i zaštite čovjekove okoline,
- Članom 25. Statuta Općine Ključ („Službeni glasnik Općine Ključ“, broj: 8/25) definisane su nadležnosti Općinskog vijeća.

RAZLOZI ZA DONOŠENJE:

Veliki broj objekata kolektivnog stanovanja na području općine Ključ ima visoke toplotne gubitke kroz vanjske zidove, neizolovane ili nedovoljno izolovane krovove ili tavane, dotrajalu stolariju i neefikasne sisteme grijanja. Takvi objekti također svojim vanjskim izgledom ostavljaju dojam jedne neuređenosti i degradiraju sveukupan izgled gradskih zona.

Svrha programa nije samo pojedinačna pomoć domaćinstvima, nego i uspostavljanje trajnog lokalnog mehanizma kojim Općina Ključ može postepeno uticati na kvalitet stambenog fonda.

Ključni razvojni efekat kroz realizaciju ovog Programa očekuje se u šest pravaca i to:

1. smanjenje troškova grijanja za domaćinstva,
2. popravljivanje sveukupnog vizuelnog izgleda zgrada, a sa time i gradskih zona,
3. stvaranje pretpostavki za uklanjanje privremenih skladišta ogrevnog drveta, u okolini oko zgrada te davanje svrsishodnije namjene tog prostora (parking zona, zelene površine i sl.)
4. smanjenje gubitaka energije i emisija zagađujućih materija
5. rast angažmana lokalnih izvođača radova i dobavljača te
6. jačanje institucionalnih kapaciteta Općine Ključ za vođenje složenijih programa energetske tranzicije.

Na osnovu naprijed navedenog predlaže se Općinskom vijeću Općine Ključ usvajanje ove Odluke.

Ključ, maj 2026. godine

OBRAĐIVAČ
Sekretar Općinskog organa uprave

Suada Pudić

PREDLAGAČ
OPĆINSKI NAČELNIK
dr. sc. Jasmin Musić

Na osnovu člana 145., stav (3) Poslovnika o radu Općinskog vijeća Općine Ključ („Službeni glasnik Općine Ključ“, broj: 2/26), a povodom Odluke o usvajanju Programa sufinansiranja mjera energetske efikasnosti u stambenom sektoru na području Općine Ključ, Općinsko vijeće Općine Ključ na svojoj XVII redovnoj sjednici, održanoj dana 01.06.2026. godine u Ključu, usvojilo je:

ZAKLJUČAK

I

Usvaja se Odluka o usvajanju Programa sufinansiranja mjera energetske efikasnosti u stambenom sektoru na području Općine Ključ.

Odluku dostaviti:

Sekretar Općinskog organa uprave.

II

Zaključak dostaviti:

1. Predsjedavajućem Općinskog vijeća,
2. Općinskom načelniku,
3. Stručni savjetnik za poslove Općinskog vijeća,
4. Sekretar Općinskog organa,
5. A/a.

III

Ovaj Zaključak stupa na snagu danom donošenja, a isti će biti objavljen u „Službenom glasniku Općine Ključ“.

Broj: 02-02-1460/26

Ključ, 01.06.2026. godine

**PREDSJEDAVAJUĆI
OPĆINSKOG VIJEĆA**

Alen Šehić
Alen Šehić, dipl.oec



